



Dei det gjeld

Referanser:
Dykker:
Vår: 17/430 - 17/5739

Saksbehandlar:
Helge Kvam
helge.kvam@meland.kommune.no

23.03.2017

Høyring - Forskrift om rett til langtidsopphald ved sjukeheim eller tilsvarende bustad særskilt tilrettelagt for heildøgntenester i Meland kommune

Heimel: Vedtatt i Meland kommunestyre (xx.xx.2017) med heimel i lov 24. juni 2011 nr. 30 om kommunale helse- og omsorgstenester m.m. ([Helse- og omsorgstenestelov](#)) § 3-2-a, andre ledd, jf. lov 2. juli 1999 nr. 63 om pasient- og brukerrettigheter ([Pasient- og brukerrettighetslov](#)) § 2-1 e.

§ 1 Formål

Forskrifta skal sikre at pasientar får naudsynte og forsvarlege helse- og omsorgstenester, jf. helse- og omsorgstenesteloven § 3-2 a, i samsvar med rettar i pasient- og brukerrettighetsloven § 2-1 e.

Forskrifta syner Meland kommune sine kriterier for tildeling av langtidsopphold i sjukeheim eller tilsvarende bustad særskilt tilrettelagt for heildøgntenesteyting, samt skildrer korleis pasientar kan ivaretakast i ventetida.

§ 2 Lovgrunnlag

Heimel for tildeling av langtidsopphold og helse- og omsorgstenester i sjukeheim er lov 2. juli 1999 nr. 63 om pasient og brukerrettighet § 2-1 a andre ledd og § 2-1 e første ledd, jf Lov 24. juni 2011 nr. 30 om kommunale helse- og omsorgstenester § 3-1 første ledd nr. 6 bokstav c og § 3-2 a første ledd.

Heimel for tildeling av disposisjonsrett til tilsvarende bustad særskilt tilrettelagt for heildøgntenester er Lov 2. juli 1999 nr. 63 om pasient- og brukerrettighet § 2-1 e første ledd, jf lov 24. juni 2011 nr. 30 om kommunale helse- og omsorgstenester § 3-1 første ledd og 3-2 a første ledd.

Heimel for tildeling av helse- og omsorgstenester i bustad er lov 2. juni 1999 nr. 63 om pasient- og brukerrettighet § 2-1 a andre ledd, evt. og § 2-1 d, jf Lov 24. juni 2011 nr. 30 om kommunale helse- og omsorgstenester § 3-1 første ledd, jf § 3-2 første ledd nr. 6 bokstav a og b, og/eller § 3-2 første ledd nr. 5, evt. og § 3-8.

§ 3 Definisjon

Sjukeheim er ei lovpålagt oppgåve for kommune etter helse- og omsorgstenestelov §3-2 førsteledd nr. 6 bokstav c. Med sjukeheim forstår ein helseinstitusjon som fell inn under forskrift 16. desember 2011 nr. 1254 om kommunal helse- og omsorgsinstitusjon § 1 bokstav d og e og § 2. Med langtidsopphold meiner ein opphold i sjukeheim på ubestemt tid.

Bustad særskilt tilrettelagt for heildøgntenesteyting som er likestilt med sjukeheim i [Forskrift for sykehjem og boform for heldøgns omsorg og pleie](#) er omfatta av omgrepet sjukeheim. Med tilsvarende bustad særskilt tilrettelagt for heildøgns tenester meiner ein bustad der:

- a. det er mogleg å gje døgnkontinuerlege tenester,
- b. det er mogleg å føre tilsyn med pasient eller brukar tilsvarende som i sjukeheim,
- c. det er mogleg å motta tenester frå helse- og omsorgspersonell med kompetanse tilsvarende som personell vanlegvis har i sjukeheim,
- d. det er mogleg å tilkalle hjelp og responstida før personell kan komme til bustad er tilsvarende som i sjukheim, og som kommunen tildeler disposisjonsrett til.

Med venteliste for langtidsopphold meiner ein kommunen sin oversikt over dei pasientane som etter søknad har fått vedtak om at dei er kvalifisert til langtidsopphold i sjukeheim eller tilsvarende bustad, men som med forsvarleg hjelp kan bu heime i ventetida for langtidsopphold. Ventelista er ikkje eit kø-system, og plass på venteliste gir ikkje fortrinnsrett til ledig plass på sjukeheim eller tilsvarende bustad, jf denne forskrift § 8.

§ 4 Virkeområde

Forskrifta gjeld alle som bur eller oppheld seg i Meland kommune, og som har trong for langtidsopphold i sjukeheim eller tilsvarende bustad og der dette er det einaste tilbodet som kan gje naudsynte og forsvarlege helse- og omsorgstenester.

Meland kommune disponerer per tid eit gjeve tal plassar som er berekna for langtidsopphold. Langtidsopphold i sjukeheim vert per tid ytt ved [Meland sjukeheim](#) v/Lerketunet og Nordgardstunet.

Meland kommune disponerer per 2017 ikkje tilbod om plass i bustad særskilt til rettelagt for heildøgntenester. Forskrifta omfattar denne type teneste når dette vert eit tilgjengeleg tilbod.

§ 5 Vurdering og vedtakskompetanse

Vurdering av tildeling av langtidsopphold i Meland Kommune vert utført av Inntaksnemda.

Inntaksnemda er per 2017 sett saman av: tenesteområdeleiar Meland Sjukeheim, tenesteområdeleiar Meland heimeteneste, sjukeheimslege, avdelingsleiar heimetenesta, avdelingsleiar sjukeheim samt meldingsovervakar e-meldingar.

Mynde til å fatte enkeltvedtak om langtidsopphold ligg hjå tenesteområdeleiar Meland Sjukeheim.

§ 6 Grunnlag for tildeling eller avslag

Meland kommune nyttar prinsipp om beste effektive omsorgsnivå (BEON) ved tildeling av tenester og tiltak. Her viser ein til begrepet omsorgstrapp. Begrepet omsorgstrapp synleggjer tenestetilbod på ulike nivå der aukande hjelpebehov vert møtt med aukande og meir omfattande tenestetilbod/ressursinnsats av ulik art. Tenester i heimen skal difor som hovudregel vere forsøkt før tildeling av langtidsplass i sjukeheim

eller tilsvarende bustad. Her legg ein til grunn gjeldande kommuneplan 2014-2025 som seier at tenester skal ytast i eigen heim så lenge den einskilde ønskjer det og det er fagleg forsvarleg.

Ved ei samla vurdering om tildeling tek ein desse omsyna:

a) Ressursar og nettverk:

- a. evne til eigenomsorg
- b. psykisk helse/oppleveling av å vera utrygg
- c. pårørande og nettverk
- d. butilhøve
- e. endring i helsetilstand
- f. kognitiv svikt

b) Kartleggingsverktøy:

Vurdering av behov for helsehjelp vert kartlagt ut frå ulike funksjonsvariabler. Her nyttar ein kartleggingsverktøyet Iplos, [Iplos rettleiar](#), som er eit lovpålagt helseregister. Det skildrar hjelpebehov og ressursar til dei som søker eller mottar kommunale helse- og omsorgstenester.

Vurdert nivå på hjelpebehov vert her delt i tre grupper:

- a. noko/avgrensa behov - skår 1,5
- b. middels til stort behov - skår 3
- c. omfattande behov - skår 4,5

c) Andre opplysningar:

- a. opplysningar frå møte med pasient og/eller partsrepresentant for pasient
- b. resultat frå vurderings-/ korttidsopphald i sjukeheim,
- c. opplysningar frå anna helsepersonell og/eller andre som yter helse- og omsorgstenester, dette gjeld mellom anna resultat frå medisinsk behandling ved sjukehus.

Ved tildeling vil ein særskilt legge vekt på:

- a. personar med stort/omfattande hjelpebehov der naudsynt kompetanse og utstyr for å sikre helseoppfølging og behandlingar kun kan gjevast ved sjukeheim eller tilsvarende bustad
- b. personar i sluttfasen av livet med behov for tilsyn og omsorg gjennom heile døgnet
- c. personar med langtiden demenssliding som har behov for kontinuerleg oppfølging, skjerming og omsorg gjennom heile døgnet

Utskriving frå langtidsopphald:

Etter fagleg vurdering om endring i trøng for tenestenivå samt pasienten sitt ønske kan ein avtale utskriving frå langtidsopphald.

Pasienten har rett til å takke nei til å ta imot tilbod om langtidsplass i sjukeheim eller tilsvarende bustad, med mindre vilkåra i lov 2. juli 1999 nr. 63 kapittel 4A er oppfylt. Pasienten mister ikkje rett til å stå på venteliste ved å takke nei til eitt tilbod som blir gitt av kommunen.

Samtykke og informasjon:

- a. ein skal få samtykke frå pasient/verge til å innhente ytterligare opplysningar frå andre som er nødvendig for saksutgreiinga,
- b. ein skal gje pasient/verge den informasjon og rettleiing som trengs for at vedkomande skal kunne ivareta sine interesser i saken, herunder informasjon om eigenbetaling, jf. denne forskrifta § 11 tredje ledd,

§ 7 Søknad og vedtak

Søknadsskjema om langtidsopphold finn ein per tid elektronisk på [Tenesteområde Meland sjukeheim](#)
Søknad vert retta til Meland kommune, Meland sjukeheim, postboks 79, 5906 Frekhaug.

Tildeling av enkeltvedtak om langtidsopphold eller tilsvarande bustad skjer på bakgrunn av helseopplysningar/vurderingar jf denne forskrifta § 5.

Kommunen kan fatte vedtak om avslag på søknad om langtidsopphold når det er forsvarleg at pasient med omfattande behov for heildøgn helse- og omsorgsteneste bur heime i påvente av langtidsopphold på sjukeheim eller i tilsvarande bustad.

Vedtaket skal opplyse om vedkomande er kvalifisert for langtidsopphold og kjem på kommunen si venteliste for langtidsopphold eller tilsvarande bustad.

§ 8 Venteliste

Søkjar som har fått vedtak om at dei er kvalifisert for langtidsopphold, men som med forsvarleg hjelp kan kan bu heime i påvente av tildelt plass, skal førast på kommunen si venteliste for langtidsopphold.

Ved tildeling av ledig plass ved langtidsopphold eller tilsvarande bustad skal Inntaksnemnda vurdere det individuelle behovet til nye søkerar og alle som står på kommunal venteliste for langtidsopphold.

Kommunen si venteliste for langtidsopphold gjev ingen fortrinnsrett til plass på sjukeheim eller i tilsvarande bustad. Seinare plasserte pasientar på venteliste og/eller nye pasientar vil slik kunne få plass først om deira behov er vurdert som større på tildelingstidspunkt. Den med størst vurdert hjelpebehov ut frå kriteria i § 6 skal prioriterast, og vedtak vert fatta av tenesteområdeleiar Meland sjukheim jf denne forskrifta § 5.

§ 9 Tiltak i påvente av langtidsopphold

Personar med vedtak om å stå på venteliste skal få andre helse- og omsorgstenester for å sikre naudsynt og forsvarleg helsehjelp i ventetida.

Dette kan til dømes vere: dagsentertilbod, støttekontakt, heimehjelp, heimesjukepleie korttidsopphold og/eller andre tenester. Pasientar som mottar hovudomsorga frå pårørande, kan søkje om avlastande tiltak for særleg tyngande omsorgsoppgåver.

Kommunen skal ha ei systematisk og fortløpende evaluering og vurdering av helsetilstand og funksjonsnivå til pasientar på venteliste for å fange opp eventuelle endringar i bistandsbehov.

§ 10 Eigenbetaling

Kommunen berekner eigenbetaling jf [Forskrift om eigenandel for kommunale helse og omsorgstenester](#)

§ 11 Klage

Enkeltvedtak kan klagast til Fylkesmannen, jf. pasient- og brukerrettighetsloven § 7-2. Ein klage skal være skriftlig, jf pasient- og brukerrettighetsloven § 7-3.

Ein eventuell klage på enkeltvedtak vert å rette til tenesteområdeleiar i Meland Sjukeheim, som tar saka til vurdering i første instans (Inntaksnemda). Om det ikkje vert vurdert omgjering av vedtak skal kommunen sende klagen vidare til Fylkesmannen for endeleg avgjerd.

Klagefrist er 4 uker, og skal fremgå av vedtaket jf pasient- og brukerrettighetsloven § 7-5.

For nærmare opplysningar, eller ved behov for hjelp til å fremje ein eventuell klage, ta kontakt med tenesteområdeleiar Meland Sjukeheim.

§ 12 Iverksetting

Forskrifta trer i kraft 1. juli 2017

Med helsing

Helge Kvam
rådgjevar pleie og omsorg og sosial

Dokumentet er elektronisk godkjent og har difor ingen signatur.

Mottakere:

Dei det gjeld